

آبونه شرائطی

ممالك عثمانیهده سنه لکی (۶۵) ، الق
اولفی (۳۵) غروشدیر .
ممالك اجنبیهده سنه لکی (۱۷) ، الق
ایلفی (۹) فرائقدیر .

اداره خانه

باب عالی جاده سنده اورخان بك خاننده
نومرو ۲۳-۲۶

اخطارات

آبونه بدلی پیشندیر .

§

مسلكه موافق آثار مع المحتویه قبول
اولنور . درج ایدیلمه یں یازیلر
اعاده اولوغاز .

~~~~~

# الدوره

سیر ۱۳۳۰

دینی، علمی، ادبی، سیاسی خفلهلق مجموعه اسلامیه در

والله یهدی من یشاء الی صراط مستقیم

اتبعون اهدکم سبیل الرشاد

صاحب و مدیر مسئول : ح . اشرف ادیب

جلد ۲ - ۹

۲۱ شباط ۱۳۲۸

پنجشنبه

۲۸ ربیع الاول ۱۳۳۱

عدد ۵۲ - ۲۳۲



مدرس افندیلر کندیلرینه عائد برایشده صلاحیتدار طوتیلیمه ملری ده بوکا مائل و بزه مخصوص اعجوبه لر دندر .

فقط مسئولیتک بویوک بر قسمنک صلاحیتدار مرجعه عائد اولسی مدرس افندیلری تماماً قورتاریری ؟ مدرس افندیلر متحداً احتیاجات حاضریمه کوره بر پروگرام ترتیب و ایجاب ایدن کتابلری انتخاب ایدره ک تدریساته باشلادیلر ده روح تشبیدن آزاده صلاحیتدار مقاماتدن ممانعت می کوردیلر ؟

کرچه فردی تشبیلره دائر مطبوعات ستونلر نه بعض ملاحظاته تصادف ایدلری . فقط بوتون مدرسین کرامتک متحداً بوایشی دوشوندکلرینه دائر مع التأسف هیچ برشی ایشیدلمدی .

هر خصوصه ملته رهبر اولملری ایجاب ایدن مدرسین کرام ، عجبا نیچون ل برلکیله مداسک اصلاحی اساسلری ، و درس پروگراملری قرارلاشدیرره رق اسباب موجبلی بر لایحه لفاً درس و کالته تقدیم و تطبیقی طلب ایتدیلر و ایتیمورلر ؟

بر ملتک فلاکتسندن ، او ملته منسوب اولان هر فرد موقع اجتماعیمی نسبتنده مسئولدر .

کندی دماغلری - بیلمه یه رک - علم نامنه سنه لرجه و همیاته او یوش دیرانلردن بوکون آجی آجی نکات ایدنلر ؛ و خاتمی بیله رک ؛ عین بولی تعقیب ایدرلر سه نسل مستقبل حضورنده ده آغیر اتماملره محکوم اولملر می ؟

کندیلرینه و دیعه سبحانی اولان معصوم برکتله نک - لوبالواسطه اولسون - معناً ، ماده انقراض و فلاکت سبب اولق خوفیه وجدان عذابلری چکن هیئت متفکره نک ؛ داها وقت کجه مشکن ؛ متحداً احتیاجات عصریه ایله متوافق بر پروگرام تنظیم ایدره رک مرجع عائدینه تقدیم و تشبیلرندن مطبوعات واسطه سیله ملتی ده خبردار ایتملری ایجاب ایتزمی ؟ آغیر اتماملردن قورتلق ایچون بوندن باشقه چاره وارمیدر ؟

م . شمس الدین

## مکاتیب

ژاپونیا مجار فخر صمزدنه :

ژاپونیا دارالفنون طلبه سندن عثمانلی دارالفنون طلبه سنه

مکتوب

برقاچ وقتدنبری وطن مقدسزدن کلن جراندی ژاپون آرقداشلرم افندیلره ترجمه ایدوب ممالک عثمانیه نک احوال حاضرهمی حقنده حقیق حوادث نشر ایتیمه جالیه یورم . بوندن برقاچ وقت مقدمه درسعات جرائنده دارالفنون عثمانی نک خسته خانه حاله افراغ اولوندیغی ، طلبه افندیلرکده بر قسم مهمنک میدان غزایه کیتدکلری اوقومشدم ؛ بونی ده حوادث صیره سنده سوله دیکم کی بوندن برهفته قدر اقدام بومایده منتشر انکلیزجه بر غزته ده تلغراف حوادثی میاننده میدان حربه کیدن دارالفنون طلبه سی افندیلرندن

بر قسمنک میدان حربده شهید اولدکلری اوقویوب متأثر اوله رق ینه آرقداشلریمه نقل ایتدیم .

طبعاً وطن پرور یاراداش کنج ژاپونیالی آرقداشلرم برقاچ وقتدنبری بنده کزدن عثمانیلرک دلاورلکلرینه دائر خبرلر ایشیدوب تماماً بر عثمانلی کی میدان حرب خبرلری مراقله اوقومشده درلر . وطنندن بر موفقیته خبری کلدیکی زمان جمله سی بنی تبریکه شتاب ایدیور ؛ کذلک اسفانکیز بر خبر کلسه یه بنم کی اونلری متأسف ایدیور . خصوصاً دارالفنون طلبه سندن بر قسم مهمنک میدان غزاده شهادتی آنلری جدا مکتدر ایتشدی . عثمانیلرک بر موفقیته مکتبمزدنه عادتا برعید اولیور .

بویله حسیاتله مشحون آرقداشلریم بوندن برقاچ کون مقدم میدان حربه کوکلی اولارق کیتیمه دعوت ایتدم . بنامه برابر کیتیمه قدر راضی اولدیلر ؛ لکن او ائنده صلح خبرلرینک شیوعی بزی یولزدن آلیقویدی . لکن بو اصل افندیلر وطن مقدسزمه اولان محبتلری اظهار خصوصنده باشقه یوللره توسل ایتدیلر .

مکتبمزدنک اموراتدره سنی درعهده ایتش طلبه میاننده بیوک بر شرفی حائر و مکتبک شوراسی مقامنده اولان یه طلبه آره سنده منتخب « یوز برلر » نام یوز بر اعضادن مرکب جمعیمزه بر استدعا تقدیم ایتدیلر و عثمانلی دارالفنونک وطنلری حمایه یولنده میدان غزایه آتیلره لرینی تبریک و شهیداسنی تعزیه ایچون بر میتینگ یاغمه و میتینگ مقرراتی با تلغراف و یا با پوسته استانبول دارالفنوننه تبلیغ ایتیمه قرار ویردیلر .

تبلیغلری جمعیمزدنه ممنونیه قبول اولوندی ، مکتبک هراون بش کونده بردفعه انعقاد ایدن عمومی میتینگنده یوز برلر جمعیتی بونی عمومه عرض ایتدی ؛ آلفشله قرشیلادیلر .

غایت محبت و صمیمیتله بر قاچ افندی ایراد نطق ایتدی ، نهایت بر قومیسین انتخابی ایله وصیده دارالفنونی نامنه درسعات دارالفنوننه زیرده معروض مکتوبی تقدیمه قرار ویردیلر .

میتینگک نهایتنده بنده مساعده آلوب : بتون آوروپا شوصوک محاربه ده عثمانیلعه قارشى سهام بلا یا نیدیردینی حالده محترم ژاپونلر و خصوصاً وصیده دارالفنونی طرفندن وطنمه قارشى بویله بر صمیمیت ابرازی بنم ایچون اک بیسوک مسرت اولدیغی عرض ، و بوراده بولوندیم مدتجه ، دولت علیه یه قارشى بونوع تظاهراته تصادف ایتدکجه کندیی وطنمده کی حس ایدر اولدیغی بیان ایتدم . خصوصاً لابس بولوندیم نیرمزی فس عثمانلیق علامتی اولارق تلق اولوندیغندن آرقداشلرم فسق آلوب یوقاری قالدیره رق آتی تقدیس ایله ژاپون ملتی مارشنى ترنم ایدره رک طاغیلر .

ایکی کون اقدام یوز برلر جمعیتی اداره سندن ، قومیسینک ترتیب ایتدیکی و جمله اعضالرک یوز بر امضاسی ایله تزیین اولومش مکتوبی آلدیم ، اوقودم ؛ بردها ، بردها اوقودم . مسرتدن کوزلرمدن دامله دامله یاشلر آقیوردی . هان قوییه سنی آلوب تقدیمه شتاب ایتدم . امینم که بنم کی بوتون مسلمان وطنداشلر و دینداشلرم ده مسرور اوله جقلدر . ایسته مکتوبک عیناً ترجمه سی :

\*\*\*

« عزیز استانبول دارالفنونى طلبه سی آرقداشلریمز !

۱۹۱۲ سنه سی دخی ۱۹۱۱ سنه سنک متهاسی کی دولت علیه ایچون یه محاربه ایله نهایت بولیور . وطنکزک طور اغی یه طولو کی قورشونلر ، سیل کی قانلرله صولایور . متفق باقان اردولرینک ظامی عالم مدیتی ایکلر تیور .

« طرفدارلقه مشحون بعض تلغراف اداره لرینک کتبردیکی خبرلرک نه مقصدله نشر اولوندیغی نر آکلادق . چونکه قیق مستور قالماز .

« عصر لر دنبری دلاورانه محاربه ای ن سز عثمانیلرک یا لکز بوکون



عیناً:

## سبیل الرشاد مجموعه اسلامیه سنه

افندم ،

سبیل الرشاد مجموعه اسلامیه سنه ۵۱ نجی نسخه سنده کی «اعتراف» سرلوحه لی فقره یه نظر دقت کنی جلب ایدرم: تصویر افکارده نشر اولان «شیمدیکی فرانسه» عنوانی مقاله مک بعض پارچه لرینی ، - وقتیه سبیل الرشادی تعصبه اتهام ایدرکن شیمدی بوندن پشیمان اولمش ، غرب مدینتیک چیرکینلک لرینی کورمکه باشلامش بر آدمک سوزی کبی - نقل ایدیورسکر !  
اولا ، حقایق دینییه نشره سمی ایتکده اولدوغنی کوردیکم یکانه مسلمان مجموعه سی سبیل الرشادی تقدیر ایدنلردم ،

ثانیاً ، نه سبیل الرشاده تعصب اسناد ایتدیکه دلالت ایدر ، نه ده غرب مدینتی مطلق صورتده تقلید طرفاداری اولدوغنی کوسترر هیچ برنشریاتده بولونمادم . بن یالکز «تورکیا» نك دکل ، باشند باشه شرقک برخصوصیتی اولدوغنه ، بناء علیه مدینتی کندی شخصیت معنویه سنه کوره تمثیل ایتسی ضروری بولندو . غنه ده قائلم . زمان مساعد اولورده ، بالخاصه مملکت حقه ده کی افکارمی طویل بر صورتده کوسترکه موفق اولورسم بنده کی طرز تلقی دهاها زیاده کسب وضوح ایدر . بحث ایتدیکم فقره ده کی تلخیص ایلک نسخه ده تصحیح بیورلسی رجاسیله تقدیم سلام واحترام ایلرم افندم .

## هاشم ناھید

سبیل الرشاد . - اوسوزلر مزله بر شخصیت معینه قصد اولونما مشدر . مملکتک منفعت ومضرته یی کوزل تقدیر ایدن کنج محررلر مزله بزمده افتخار ایده جکمز طبیعی در .

تلفراف:

## سبیل الرشاد جریده اسلامیه سنه

قنطره ، ۱۷ شباط . شام وجوهندن بعضیلری التماسیله اوچیوزیکرمی بشده شام تذیق قومیسینی طرفندن قنطره مفتیلکنه تعیین ایدیلن ۳۰۳ تولدی قنطره لی بدرالدین افندی بگونه قدر هیچ برمدرسده تحصیلی ، اجازتی اولدینی کبی خصوصی تحصیلی ده یوقدر . حتی برکوی امای کبی برجمعه نمازینی قیلدیرمه ، عربی العباده برسطری طوغری اوقومغه اقتداری اولدینی بتون ولایتجه معلوم وضرب مثل حکمنه کچمشدر . بویله اجهل ناسک دیناً ، سیاسیة اھیتی درکار اولان قضا مقام فتوای مسلمینی اشغال ایتدیرلسی طوغریسی استنادکاه دیانتیزی اساسندن هدم ایتک دیمک اولدیفندن وذاتاً بوکون چکدیکمز چله لر هپ دیانته عدم اعتنادن ایلرو کلدیکندن ، بو حالک دوامی قطعاً قبول ایده میز . عرض و بیانندن مستغنی اولدینی اوزره مقام فتوی ، مرجع امور دیاندر ، مأ کل جهلای زمان دکادر . هیچ برزمان امور دینییه مزک ایاقده قالدیفنی کورمکه اعصابک تحملی اولدیفندن لطفاً مفتیلرک اصول وتعامل قدیمی دائره سنده اشرف و علمای محلیه نك انتخابیه تعیین ایدلسنه دائر مجلس وکلا قراریله تعمیم وسوریه ولایتجه جواباً داخله نظارتندن تبلیغ بیوریلان ۲۷ تشرین اول ۳۲۶ و ۷۰۷ نومرولی امرنامه موجبنجه امثالی مثللو قضا امر مفتیلکنه علمادن ، مرشد کاملدن برینک انتخابیه تعیین ایتدیرلسی اسبابنک استکمالیه امور دینییه مزک ایاق التندن قورتارلسنی بز عموم قضا اھالیسی استرحام وطلب ایلرز فرمان .

وجوهندن بلدییه رئیس حاجی سلیمان ، وجوهندن : سلیمان ، عمر فوزی ، جمال الدین ، عبدالحید ، حاجی حسن ، احمد حمیدی ، یعقوب ، ارسلان عثمان ، عین زیوانلی حاجی یعقوب ، مرزوه احمد محمد ، محمد اسلام ، حاجی اسماعیل ، حسن ، حاجی صالح ، سعید ، منصوره دن ذکریا ، عبدالقادر ، ادریس .

## سبیل الرشاد جریده اسلامیه سی اداره سنه

قنطره ، ۱۸ شباط . - قنطره مفتیسی حقنده صدارته ، مشیخته ،

مغلوبته دوچار اوله جقیرینه وخصوصاً آرا لرنده دارالفنونلی آرقداشلریمز کبی عالی برملتک طبقات منوره سنه عائد افرادک بولوندیگی براردونک انهمزاه اوغرایه جقنه بزی کیسه اقتاع ایده من .

«حوادث صحیحهدن اوله رق وطنداشلر یکرذن وصیده دارالفنون رحله لرنده بزمه برابر بولنان احمد منیر ابراهیم افندیدن آلدیممز خبرلرذن دارالفنونکوزک وطنکزی حمایه یولنده قانی فدا ایدن عثمانلیر ایچون خسته خایه افراغ اولوندیگی ، سزک ایسه میدان حربه قوشدیفنکزی آکلامشدق .

«بوفدا کارانه حرکاتکز سزک «مقدس وطن ، کله سنی نه قدر عمیق معناری ایله درک ایتدیکنکزی بزم اثبات ایتدی ، طوبراغی قانله یورلمش وطنمز «یاماتو» [۱] نك اوغلاری اولان بزلر دخی سزک وطنپرورلککز ، عاشقز ، قهرمان عثمانلی اردوسنک قهرمان اوغلاری ، هر نوع تبریکه شایانکسکز .

«مع التأسف بوصوک کونلرده کلن بعض خبرلر ، عثمانلی دارالفنون طلبه سندن میدان حربه کیدنلرذن برقسمنک اوراده شهید دوشدیکنی اشعار ایدیوردی . - شاب حق آنلرک روحنی شاد ایتسون . مع مافیہ بوندن سزک متأثر اولایه جفکزه امیز ، زیرا سز وطن مقدسکزی حمایه ایچون هر آدیمز یوزلرجه شهادی اسیرکه من برملتک اوغلاری . سکز . زیرا اعصابک زنده کی اصیل قان ینه اولونه قهرمانی آسیالی عثمان پاشا قانی در !

«ای دارالفنون اردوسی ، وطنی حربده حمایه ، صاحده نور عرفان ایله تنور ایتک کبی ایکی بیوک شرفی حائرسکز . سزه محبتمزی ، صمیمی احترامیزی اظهار ایله ، سزی جهاد کزده تبریک ایله افتخار ایلرز . جهاد ایدیکز ! جهاد ایدیکز ! چونکه سایه کزده بیوک برملت مسعود اولاجق ؛ طاغیری ، طاشلری تقدیر اوله من کوزل وطنکز مسعود اولاجق ؛ سزده کسب حریت ایده جکسکز . اسارت باشقه لرینه یاقیشیر !

«جهاد ایدیکز ! جهاد ایدیکز ! نامکزی سرحدلر کزده آلتونلرله یازوب دشمنه قارشو قویسونلر . جمله من قلباً سزکله برابرز . «مجاهد لک حامیسی جناب حقدر ، جهاد ایدیکز ! «صمیمی محبت واحتراملریمزی تقدیم ایدرز قرداشلر !

## وصیده دارالفنونلی نامه «یوزرلر»

\*\*

شو صمیمی مکتوبی یوز بر امضا ترین ایدیور . بتون اجانب بزی سهام بلاسی ایله ازرکن یالکز ژاپونیا دن بویله محبت آور بر مکتوبک غازی ومجاهد لیمزه ویره چکی قوت وروچی دوشوندکجه مسرتلره غرق اولیورم .  
توکيو

احمد منیر

[۱] ژاپونیا نك قدیم واصل اسمی در .